

書鬼昇紫府若凶荒饑饉水火旱蝗殛疫復連兵戈劫掠能依科法懺禮消穢即得國土清平民物昌熾若婦人懷孕生育艱難或鬼怪興妖家門多變能修香火懺禮禱祈即得母子全安身位寧靜若復有人常勤懺禮學道成道求仙得仙若復有人因事懺禮所願者合所為者成天上人間他生見世獲福無量證果非虛由是系師棄官精煉紹襲仙宗政始六年八月一日亦於陽平山奉詔上昇以此真科流傳後世有緣緣會自度度他願與舍生同臻福慶稽首禮謝
無上虛皇正真三寶

太上正一朝天三八謝罪法懺

真武靈應護世消災滅罪寶懺

則見

爾時天尊告妙行真人曰常念衆生處於三毒十惡之世被六天魔王五府瘟曹不以尊卑枉致傷害或老或少或男或女未盡天年遽遭人世故演伏魔經法普救衆生及以符圖神呪付諸法學乃勅北方真武神將躬詣諸天遍為巡察凡遇邪氣及有妖星逆次流離連須戮剪又下人間錄善代惡輔正除邪濟拔人天祛妖攝毒救護一切無有枉橫然下元末世淺薄人心破壞五情雜亂更相疑惑所為不實惟用邪行背真就偽不義不仁違天逆地攻根伐株不忠不孝無愛無慈欺罔萬民酷虐百姓殺戮衆生殘害物命結諸罪孽冤對無邊是致動見患難或為劫賊之所傷命或為惡鬼之所滅身或被蛇蛇虎狼百蟲毒螫之所加害官司口舌無故橫生繫閉牢獄鞭杖徒刑或復家遭瘟疫身染毒氣大小疾病人口死亡六親斷絕財物耗散諸如等苦並是六天故氣北酆帝王八部鬼神人間死將五嶽之神遍行天下乘其罪孽致

其毒氣以殺惡人從年竟月有遭不少更相牽連以致死亡所在人民無能免者甚可痛傷吾遣威神分布世間按行救度人豈知之今重告汝真武大神將救護之法不可思議克感靈應真人稱言大慈大悲能為衆生願垂開示

天尊言常以三元八節甲子庚申每月三七日下降之辰此諸等日不食辛厭軍械制斷六情不生念想即乃清淨燒香持齋念道歸命北方四十九位靈應天尊首謝已身發露懺悔消諸罪戾免受厄難水火刀兵虎狼毒獸邪精異爽永不干犯今展運心仰佩玄言當須精心禮諸化身尊號願是功德廣救衆生普度一切某甲生身在世無量劫來沉淪罪苦未得解脫今日伏為某事禮此懺文五體投地一心發念稽首真容敬禮尊號

志心朝禮壬癸至靈天尊
志心朝禮金闕化身天尊
志心朝禮日光瑞應天尊
志心朝禮太陰神化天尊

志心朝禮武曲昭靈天尊
 志心朝禮虛危孕秀天尊
 志心朝禮真相具足天尊
 志心朝禮端嚴威力天尊
 志心朝禮誓斷妖魔天尊
 志心朝禮輔助玉帝天尊
 志心朝禮冲和淨樂天尊
 志心朝禮積功成聖天尊
 志心朝禮神靈妙見天尊
 志心朝禮慈惠助順天尊
 志心朝禮威容感應天尊
 志心朝禮最聖妙行天尊
 志心朝禮功高龍漢天尊
 志心朝禮顯靈上國天尊
 志心朝禮威加九地天尊
 志心朝禮德摧五嶽天尊
 志心朝禮不言善應天尊
 志心朝禮神力無礙天尊
 志心朝禮威鎮六洞天尊
 志心朝禮肅清寰宇天尊

志心朝禮協贊中興天尊
 志心朝禮化育黎兆天尊
 志心朝禮歲陽妙化天尊
 志心朝禮常住護世天尊
 志心朝禮化行六合天尊
 志心朝禮恩霑萬彙天尊
 志心朝禮威權自在天尊
 志心朝禮威顯神力天尊
 志心朝禮清寧國土天尊
 志心朝禮降魔戒生天尊
 志心朝禮代天演法天尊
 志心朝禮延壽護身天尊
 志心朝禮遣鬼滅祟天尊
 志心朝禮法雲流潤天尊
 志心朝禮普慈護國天尊
 志心朝禮延福保神天尊
 志心朝禮解冤濟苦天尊
 志心朝禮常念救物天尊
 志心朝禮剷除罪犯天尊
 志心朝禮救生起死天尊

志心朝禮護冤慈救天尊
 志心朝禮保家安國天尊
 志心朝禮威德無量天尊
 志心朝禮自然真極天尊
 志心朝禮消災降福天尊
 志心朝禮玄天一切聖衆
 臣某志心歸神歸身歸命
 北方大道四十九位靈應天尊一切聖衆原
 夫人身難得遇正法以尤希天道貴生全本
 年而甚少念六根之未悟惟五福以常虧凡
 居覆燬之中盡出鈞陶之下或貧窮而多子
 或富貴而絕兒方當受用而忽喪天年未曉
 修行而已終碌運或兵戈而暴骨或孕育以
 傷身或邪鬼之欺誣或上天之譴責般般果
 報種種因緣但知逐利以貪名豈顧欺天而
 罔地不修戒行殊乏陰功臨期嗟歎以徒勞
 遇事告投而無訴某切慮一生之內三世以
 來不孝不忠行淫行盜貪瞋業重殺戮罪多
 言語失真癡頑染性五逆在已兩舌謗人恐
 地獄之相仍慮天曹之具錄生死受拷陰籍

難除仰憑上聖之恩麻盡救多生之罪障次
冀寬寬解散人鬼分離過去超生見存獲慶
九幽息對天下和平一切含靈悉蒙救度俱
登道岸證入無為臣等志心稽首禮謝
無上虛皇正真三寶

則九

五

真武靈應護世消災滅罪寶懺

北極真武普慈度世法懺卷之一二則
爾時無上赤文帝君金闕化身天尊於龍漢
元年中元之日在北極玄天紫微之殿會集
諸天上聖十方至真飛天神王無極仙衆考
校三界之內大千國土之中修學功過年命
脩短十方世界男女罪福考限之期生死報
對宿命因緣時有真人名曰妙行越班而出
稽首上言末世凡夫不明修學貪瞋癡愛口
是心非無明煩惱積給罪愆或身遭疾病牢
獄拘囚運用乖違所作不順命沒之後墮諸
地獄報對因緣何由救免
天尊曰善哉言乎吾昔於龍漢劫初為太始
真人中三皇時為太初真人下三皇時為太
素真人開皇劫下生人世乃玄元聖祖第八
十二次應化玄天修真成道憫念凡愚積惡
造罪無由冀仙嘗為演說修真十戒以度兆
民今得遵奉妙訓離諸報對於是妙行啓請
而言十戒靈文可得見授宣告人天普獲修
持日有所益於是
天尊慈顏憫諭靈闕開出十品戒文謂曰

偉哉妙行能為衆生作是妙因夫身為愚本
過逐心生道乃法舟懺之可度積如山岳隨
念即消若能終始受持仙階可冀第一戒者
不得陰賊潛謀害物利己二者不得殺害含
生以充滋味三者不得淫邪敗真穢慢靈炁
四者不得敗人成功析交離親五者不得露
才揚己護毀善良六者不得飲酒過差食肉
違禁七者不得貪婪無厭積財不散八者不
得交游非賢居處雜穢九者不得不忠不孝
不信不仁十者不得輕忽言笑舉動乖真能
依吾教秉心無二即得見世安樂免遭困苦
若能於三元五臘甲子庚申三會十直之辰
於諸宮觀或在家庭備列香花虔心懺禮誓
依吾教改往修來即得誅削黑書名標丹籍
見存獲慶過世超昇於是妙行稽首瞻仰永
誓皈依散布人間流傳懺禮志心敬禮人各
恭信

起敬讚 三皈依
數生讚 一心皈命敬禮
虛無自然元始天尊